

**KOMISIJA ZA TUMAČENJE I PRAĆENJE PRIMJENE
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija), povodom zahtjeva JU „Kulturno-sportski centar“ Kakanj od 14.3.2025.godine za tumačenje odredbe članova 24. i 44. Kolektivnog ugovora za službenike organa uprave i sudske vlasti u Federaciji Bosne i Hercegovine, na 11. sjednici Komisije održanoj dana 15.4.2025. godine, donosi:

O D L U K U

o tumačenju odredbe člana 24. i 44. Kolektivnog ugovora za službenike organa uprave i sudske vlasti u Federaciji Bosne i Hercegovine

I

Utvrđuje se tumačenje odredbi članova 24. i 44. Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Kolektivnog ugovora), kako slijedi:

„JU „Kulturno-sportski centar“ Kakanj je obavezna primjenjivati članove 24. i 44. Kolektivnog ugovora, a poslodavac je dužan razmotriti mišljenje Sindikata i prihvatiti sugestije za koje ocijeni da su osnovane.“

II

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

III

U skladu sa odredbom člana 71. stav 6. Kolektivnog ugovora, ovu odluku su dužne poštovati sve ugovorne strane ugovora.

IV

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde.

Obrazloženje

Komisiji je dostavljen zahtjev JU „Kulturno-sportski centar“ Kakanj od 14.3.2025.godine za tumačenje odredbe članova 24. i 44. Kolektivnog ugovora za službenike organa uprave i sudske vlasti u Federaciji Bosne i Hercegovine, u kontekstu davanja odgovora da li se članovi 24. i 44. Kolektivnog ugovora odnose i primjenjuju na radnike Javne ustanove „Kulturno-sportski centar“ Kakanj.

Odredbom člana 72. Kolektivnog ugovora utvrđeno je da se odredbe ugovora primjenjuju na sve organe državne službe u Federaciji i sudske vlasti, upravne organizacije, kazneno popravne zavode, službenike sudske policije, javne ustanove iz oblasti rada i zapošljavanja, penzijsko-invalidskog osiguranja, zavoda zdravstvenog osiguranja i druge javne ustanove na svim nivoima vlasti u Federaciji BiH čije je sindikalna organizacija članica reprezentativnog Samostalnog sindikata.

Odredbom člana 44. stav (1) propisano je da je rukovodilac organa državne službe dužan sve prednacrt i nacrt propisa i općih akata iz oblasti radno-pravnih odnosa dostaviti Sindikatu na razmatranje i mišljenje.

Odredbom člana 44. stav (2) propisano je da je rukovodilac organa državne službe dužan razmotriti dato mišljenje Sindikata i prihvatiti sugestije za koje se ocijeni da su osnovane.


Shodno navedenom, utvrđeno je tumačenje odredbe člana 43. Kolektivnog ugovora, kao u tački 1. ove odluke.

S obzirom da je odredbom člana 72. Kolektivnog ugovora utvrđena primjena istog u odnosu na organe i institucije na koje se ovaj kolektivni ugovor primjenjuje, utvrđeno je kao u tački 2. ove odluke, dok je u tački 3. utvrđeno da su ovu odluku dužne poštovati sve ugovorne strane ugovora, a u skladu sa odredbom člana 71. stav 6. Kolektivnog ugovora. Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde, tj. na način kako je utvrđeno tačkom 4. ove odluke.

Broj: 01-714-49/25

Sarajevo, 15. 4. 2025. godine

Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine



Vedran Škobić

Bojana Todorović



Samir Kurtović



Haris Karačić